

NOTITIA ANTIQUA  
EPISCOPATUUM ITALIÆ.  
PROVINCIA ROMANA.  
T U S C I A.



OMA caput mundi, totiusque Romani Imperii modera-  
trix Eusebio de vita Constant. lib. 1. cap. 20. Apostolorum  
schola, & pietatis Metropolis Sozomeno Hist. Eccles. 1. 3.  
c. 7. vulgò etiam *Roma*. Hujus Episcopos, Occidentis  
Patriarchas, universique orbis Ecclesiastici Summos Pon-  
tifices, à Petro Apostolorum Principe ad Gregorium Ma-  
gnum supra retulimus.

PORTUS AUGUSTI Dioni lib. 40. vulgò *Porto*. Ex ejus Episcopis  
*Gregorius* subscripsit Concilio Arelatenſi primo, *Petrus* Concilio Romano sub  
Hilaro, *Herenius* Concilio Romano sub Felice, & \* *Costus* ejusdem urbis Con-  
cilio 6. sub Symmacho. D. Gregorius Magnus Epistolam scripsit *Felici* Por-  
tuenſi Episcopo, quæ est 44. l. 4. Indiçt. 13.

SYLVA CANDIDA Marcellino Comiti, vulgò *sancta Rufina*. Ex ejus  
Episcopis † *Adeodatus* subscripsit Concilio Romano tertio sub Symmacho: & *Ti-  
berius* privilegio quod Gregorium Magnum sancto Medardo Sueſſionenſi con-  
ceſſiſſe ajunt.

NEPE Procop. 1. 3. rerum Gothic. vulgò *Nepi*. Ex ejus Episcopis *Projectitius*  
subscripsit Concilio Romano sub Hilaro, *Felix* ejusdem urbis Concilio tertio  
sub Symmacho, & *Gratiosus* Lateranenſi sub Martino.

§ AQUA VIVA, urbs Episcopalis, quam Cluverius ex monumentis anti-  
quis apud Etruriam fuiſſe aſſerit in descriptione Italiæ antiquæ, præter aliam  
ejusdem nominis quæ adhuc extat in Campania, & nomen vulgò retinet, est-  
que ad Vulturum fluvium, inter Venafrum & cœnobium sancti Vincentii in  
Aprutii confinibus. Ex Aquæ Vivæ Episcopis § *Paulinus* subscripsit Concilio Ro-  
mano sub Hilaro, & *Benignus* primo Romano sub Symmacho.

† PHALARIS, aliàs Falarina, & Falerium Ptol. lib. 3. c. 1. hodie *Pha-  
laro*, sed Vicus tantum aliquot ædibus constans, licet olim Civitas Episcopa-  
lis & adeo ampla fuerit in Faliscorum finibus. *Joannes* Episcopus Falarinæ sub-  
scripsit Concilio Romano sub Gregorio Magno.

\* FERENTIUM seu Ptol. 1. 3. c. 1. Ferentia, aliis Ferentinum, vulgò *Fe-  
rento*. *Maximinus* hujus Episc. subscripsit Concil. Romano sub Felice. Huic se-  
di Vi-

N O T Æ.

\* *Costus*.] Castus rectè vocatur in subscrip-  
tione Synodi Palmaris. In Ms. Vat. LUCAS HOL-  
STENIUS.

† *Adeodatus &c. subsc. Conc. &c. sub Symma-  
cho*.] Valentinus adfuit Vigilio Papæ Theodorum  
Cæsariensem excommunicanti Constantinopoli an-  
no DLI. ejusque Vigiliis in constituto illo meminit  
&c. LUCAS HOLSTENIUS.

§ *Aqua Viva*.] fuit in via Flaminia veteri sub mon-  
te Soracte inter Arinianum, & Civitatem Castella-  
nam, paulò ultra diversorium Scabiæ, ubi nunc Ec-  
clesia extat S. Mariæ de Aqua Viva. Prope est fons  
uberrimus, qui nomen loco dedit. Hic fuit Carpena-  
tum Episcopatus. LUCAS HOLSTENIUS.

§ *Paulinus subscripsit &c. & Benignus*] leg. Bonifa-  
cius &c. LUCAS HOLSTENIUS.

† *Phalaris Phalero Phaleri*] Episcopatus hic transla-  
tus ad veterem Faliscorum Civitatem, quæ vulgò  
Civitas Castellana dicitur &c. Carolus Falaritanus  
Romano sub Martino I. Papa. LUCAS HOLSTENIUS.

\* *Ferentium &c.*] Ferentum. Adrianus Ferenti-  
natis Ecclesiæ Episcopus interfuit Concilio Leonis  
IV. Bassus Ferentii Episcopus fuit; Maximinus Fe-  
rentini. Bassus successit Innocentius, qui subscripsit  
Synodo Romanæ tertiæ sub Symmacho. De S. Boni-  
facio Ferentii Episcopo agit Gregor. M. Dialog. lib. 1.  
cap. 9. Servus Dei Ferentensis Synodo Palmari sub  
Symmacho, in Ms. Vatic. LUCAS HOLSTENIUS.